

## SIARAN BERITA

---

### **MyCC BERTEMU PERSATUAN PENYELIDIKAN TENAGA AIR MALAYSIA (AWER)**

**KUALA LUMPUR, 4 Mac 2015** – Suruhanjaya Persaingan Malaysia (MyCC) telah bertemu dengan Persatuan Air dan Penyelidikan Tenaga Malaysia (AWER) minggu lepas bagi membincangkan dakwaan AWER mengenai amalan antipersaingan dalam jualan runcit produk bukan cekap tenaga di Malaysia. Mesyuarat itu juga membincangkan bagaimana AWER akan bekerjasama dengan MyCC mengenai apa-apa amalan antipersaingan yang disyaki dalam industri ini.

AWER sebelum ini mendakwa bahawa terdapat "elemen kartel dan pencatutan" mengenai pemberhentian pengeluaran "lampu pendarfluor padat" (*Compact Fluorescent Light - CPL*) di Malaysia.

"Pada dasarnya persamaan harga yang ditawarkan oleh perusahaan-perusahaan bukanlah bersifat antipersaingan. Namun, sesuatu pertuduhan kartel perlu disokong dengan beberapa bukti penetapan harga oleh perusahaan yang terlibat." kata Dr. Mohd Khalid Abdul Samad, Ketua Pegawai Eksekutif MyCC .

"Kami mengambil maklum terhadap kebimbangan AWER bahawa terdapat kemungkinan perusahaan-perusahaan terlibat dalam amalan antipersaingan dan berharap menerima sebarang bukti yang mungkin pihak mereka ada bagi menyokong dakwaan mereka" tambah beliau.

Seksyen 4 daripada Akta Persaingan 2010 melarang perusahaan, termasuk persatuan, dari menetapkan, secara langsung atau secara tidak langsung satu pembelian atau harga jualan atau mana-mana keadaan perdagangan lain untuk pembelian barangan dan perkhidmatan.

Akta Persaingan 2010 telah berkuatkuasa sejak 1 Januari 2012 dan persatuan serta perusahaan perlu mematuhi perundangannya. Suruhanjaya boleh mengenakan penalti kewangan, yang tidak melebihi daripada 10% pendapatan sedunia perusahaan tersebut sepanjang tempoh pelanggaran Akta ataupun mengenakan mana-mana arahan lain yang dianggap sesuai untuk memastikan Akta Persaingan 2010 dipatuhi oleh persatuan dan perusahaan pada masa akan datang.

Orang awam yang mempunyai maklumat berkenaan perlakuan oleh persatuan dan perusahaan perniagaan yang sedang atau telah melibatkan diri dalam aktiviti-aktiviti penetapan harga perlu menghubungi MyCC di talian +603-2273 2277 atau melalui e-mel di [complaints@mycc.gov.my](mailto:complaints@mycc.gov.my) .

Untuk maklumat lanjut mengenai MyCC dan Akta Persaingan 2010, sila rujuk laman web [www.mycc.gov.my](http://www.mycc.gov.my) .

---tamat---

#### **CATATAN EDITOR:**

1. Butiran mengenai Seksyen 4 (1) dan (2) Akta Persaingan 2010. \*Perjanjian mendatar dan menegak yang dilarang adalah seperti berikut:
  - (1) Suatu perjanjian mendatar atau menegak antara perusahaan adalah dilarang setakat yang perjanjian itu mempunyai matlamat atau kesan menghalang, menyekat atau mengganggu persaingan secara signifikan dalam apa-apa pasaran bagi barangan atau perkhidmatan.

- (2) Tanpa menjejaskan keluasan subseksyen (1), suatu perjanjian mendarat antara perusahaan yang mempunyai matlamat untuk—
- (a) menetapkan, secara langsung atau tidak langsung, suatu harga belian atau jualan atau apa-apa syarat perdagangan yang lain;
  - (b) berkongsi pasaran atau punca bekalan;
  - (c) membataskan atau mengawal—
    - (i) pengeluaran;
    - (ii) saluran keluar pasaran atau capaian pasaran;
    - (iii) pembangunan teknikal atau teknologi; atau
    - (iv) pelaburan; atau
  - (d) melakukan tipuan bida, adalah disifatkan mempunyai matlamat atau kesan menghalang, menyekat atau mengganggu persaingan secara signifikan dalam apa-apa pasaran bagi barangan atau perkhidmatan.

\* “Perjanjian mendarat” ertinya suatu perjanjian antara perusahaan yang setiapnya beroperasi pada peringkat yang sama dalam rangkaian pengeluaran atau pendedaran; “Perjanjian menegak” ertinya suatu perjanjian antara perusahaan yang setiapnya beroperasi pada peringkat yang berlainan dalam rangkaian pengeluaran atau pendedaran.

**Untuk pertanyaan media, sila hubungi:**

Anis Syafiq, Tel +603 2273 2277 (ext 212), Email: [anis@mycc.gov.my](mailto:anis@mycc.gov.my)

**Unit Komunikasi Korporat**

**Suruhanjaya Persaingan Malaysia (MyCC)**

**Suruhanjaya Persaingan Malaysia (MyCC)**

Ditubuhkan pada Jun 2011, MyCC ialah satu badan bebas bertanggungjawab untuk menguatkuasakan Akta Persaingan 2010, yang dilaksanakan untuk menggalakkan persaingan sihat yang seterusnya akan merangsang produktiviti dan inovasi, lantas mewujudkan pilihan produk atau servis yang lebih banyak kepada pengguna dan kualiti yang lebih baik pada harga yang berpatutan.

Akta ini digunapakai kepada semua aktiviti komersil yang ditanggung didalam dan diluar Malaysia yang boleh menjejaskan persaingan di pasaran Malaysia. Ia memberikan satu rangka kerja kawal termasuk kuasa menyiasat, menghakimi dan mengenakan penalti-penalti kepada pesalah undang-undang persaingan.

Untuk maklumat lanjut tentang Akta dan MyCC, sila rujuk laman web [www.mycc.gov.my](http://www.mycc.gov.my).